

UPRAVA DRUŠTVA

Broj: U.D.01.04.-11479/20

Sarajevo, 03.09.2020. godine

Na osnovu člana 70. stav (3) Zakona o javnim nabavkama, člana 45. Statuta „JP BH POŠTA“ d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku usluge iznajmljivanja radne snage za potrebe Glavnog poštanskog centra broj: 07.4-11-9-9712-18/20 od 01.09.2020.godine, Uprava Društva na svojoj 31.elektronskoj sjednici održanoj 03.09.2020. godine, d o n o s i:

O D L U K U O IZBORU NAJPOVOLJNIJEG PONUĐAČA

I

U postupku javne nabavke usluge iznajmljivanja radne snage za potrebe Glavnog poštanskog centra, ovom odlukom se vrši izbor najpovoljnijeg ponuđača Omladinska zadruga „NOVA MLADOST“ p.o. Sarajevo i dodjeljuje se okvirni sporazum na period od jedne godine sa ukupnom vrijednošću sporazuma u iznosu 187.200,00 KM bez PDV-a, odnosno 196.584,00 KM sa uračunatim PDV-om.

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke **usluge iznajmljivanja radne snage za potrebe Glavnog poštanskog centra** broj: U.D.-01-04-9899/20 od 27.07.2020. godine kojom se odobrava nabavka **usluge iznajmljivanja radne snage za potrebe Glavnog poštanskog centra u iznosu do 189.500,00 KM bez uračunatog PDV-a, putem otvorenog postupka sa predviđenim zaključenjem okvirnog sporazuma na period do jedne godine sa jednim ponuđačem** i Rješenja Generalnog direktora o formiranju Komisije za provođenje postupka nabavke broj: 01-11-9-9712/20-3 od 27.07.2020.godine, Komisija je provela postupak javne nabavke, putem otvorenog postupka, broj: 07.4-11-9-9712-10/20 sa objavljivanjem Objaveštenja o nabavci, broj: 238-1-2-396-3-143/20 od 04.08.2020. godine, na Portalu JN.

Javno otvaranje ponuda u postupku predmetne nabavke, kome je prisustvovao predstavnik ponuđača Omladinska zadruga „NOVA MLADOST“ p.o. Sarajevo, je održano dana 27.08.2020. godine u 12 sati i 15 min, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda, broj: 07.4-11-9-9712-16/20, koji je sastavni dio ovog Izvještaja.



Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (do 27.08.2020. godine do 12,00 sati), pristigla je ponuda slijedećeg ponuđača:

Omladinska zadruga „NOVA MLADOST“ p.o. Sarajevo u iznosu od 187.200,00 KM bez PDV-a;

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala slijedeće:

- da je ponuđač Omladinska zadruga „NOVA MLADOST“ p.o. Sarajevo dostavio ponudu u **ukupnom iznosu od 187.200,00 KM bez PDV-a** koja ispunjava sve pravne, ekonomske i tehničke uslove utvrđene tenderskom dokumentacijom, te je ista ocjenjena kao formalno-pravno, ekonomski i tehnički **prihvatljiva**.

Navedeni ponuđač je, na zahtjev Komisije br. 07.4-11-9-9712-17/20 od 01.09.2020.g., putem mail-a 01.09.2020.godine dostavio pojašnjenje obračuna PDV-a.

Ugovorni organ je za predmetnu nabavku predvidio provođenje E-aukcije ali s obzirom na to da je pristigla ukupno jedna prihvatljiva ponuda te cijeneći Pravilnik o uslovima i načinu korištenja E-aukcije član 3 stav 3, Ugovorni organ neće zakazivati E-aukciju već će nabavku okončati u skladu sa članom 69. Zakona.

Na osnovu gore navedenog, a shodno utvrđenom kriteriju „najniža cijena“, Komisija utvrđuje rang-listu ponuđača bez PDV-a, kako slijedi:

Red. broj	Naziv ponuđača	Ukupna cijena ponude bez PDV-a (KM)
1	Omladinska zadruga „NOVA MLADOST“ p.o. Sarajevo	187.200,00 KM

1.


Obzirom da ponuda ponuđača Omladinska zadruga „NOVA MLADOST“ p.o. Sarajevo u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela okvirnog sporazuma navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.

Dostaviti:

- Glavni poštanski centar (Nosilac posla)
- Sektor za EKF poslove
- Služba Marketinga (za objavu)
- Odjeljenje za Javne nabavke
- Ponuđačima putem Odjeljenja za Javne nabavke
- a/a


GENERALNI DIREKTOR
mr. sci. Mirsad Mujić

